

丁丑立夏節

見
胎
雜
錄

唐
劉
題

序

見貽雜錄者。養怡齋集關於姚氏全族掌故。及賡唱投贈之作。而予之所助輯者也。人非草木。不能遺世獨立。必有交際。其當日戚黨之往來。禮數之疏密。情感之濃淡。聲氣之通塞。麗澤之切磋。門生故舊之眷戀。外戚壻鄉之感懷。後人胥不易知也。而於文字略可考見焉。惜年湮代遠。散佚綦多。網羅爲難。或載於志乘。或見於竹枝。或采自雜記。或錄諸稗史。且又擄擄雕本。護惜遺墨。貼以錦罽。加以題跋。慶賀弔挽之什。圖詠畫題之篇。靡不筆錄。雖漏落尙多。而異聞佚事。燦然在目。養怡之用心亦勤矣。尤可稱者。每家各類列之。體例謹嚴。井然不紊。誠非率爾漫錄。凌亂無序者可比。然繕成一帙。非僅付刊後便謂事已畢也。其間缺略者當補輯。紕繆而蕪雜者當刊落。未詳者當稽索。畢生以之。其味無窮。其事難卒。養怡自輯家粹。見圖籍亦知繫戀繙帙。近且略爲增購。有萬卷

藏書之願。予乃謂新出之書。無益之編。雖多。於家粹無涉。何市閱爲。予之讀書。每喜補輯附錄。隨草默識。特恨無鈔胥數十員。繕之以就有道。設養怡亦以此法讀書。雖不能立名傳遠。異於博奕。而不善讀書者。個乎遠矣。顧徒藏徒讀。奚取。師資益友。何可缺耶。此編出而能補遺糾謬者。從而師友之可也。噫。益友難逢。何況師資。果能益我者誰乎。吉仙憶仙。適彼丁李。獲其所哉。爲姚氏增榮不少。讀催妝諸什。倍覺熱鬧。耐人尋味。足留佳話。今春臥疾三月。困憊甚。年未半百。而衰慵特至。朋好闊絕。不可爲人。終日尙此埋頭。聊以消遣。無能爲學。養怡屢促序文。病莫克作。茲力疾草此。僅用塞責。邑乘多疏。井亭碑記失載。當訪覓其石洗視。或尙在人間。葉柱。一字秀峯。見於王范之四書釋義。邑志亦不能詳也。他日續輯補編。予雖衰憊。猶擬與君上下其議論。窮搜考索而確定之。茲不暇多贅。民國二十六年丁丑四月南匯朱太忙撰文

見貽雜錄目次

姚 墳

- 光緒南匯縣志……………張文虎……………一
懷舊雜記一則……………方思信……………一
周浦紀略詩一則……………其鈞……………一
周浦紀略後編一則……………之照……………二
（附）三世祖節菴公傳……………文福……………二
（附）三世祖妣郁太夫人……………傳……………二

姚 璟

- 周浦紀略後編一則……………其鈞……………三
春及堂詩稿一首……………王慶生……………三

姚 眉 附江

- 光緒南匯縣志……………葉 柱……………三
祠堂圖記……………（附）曾祖考介眉公傳……………之照……………四
（附）本生祖源一公傳……………之照……………五
姚 斌

見 貽 雜 錄 目 次

松江府志……………六

周浦紀略詩一則……………方思信……………六

（附）九世叔祖文侯公傳……………之照……………六

姚 紳 附汝謨

光緒南匯縣志……………七

周浦紀略詩一則……………方思信……………七

（附）高叔祖拱宸公傳……………之照……………七

（附）曾叔祖禹瞻公傳……………之照……………八

周浦紀略後編三則……………其鈞……………九

姚 趙 氏

光緒南匯縣志……………九

節孝吳興趙安人傳……………陸尊五……………九

（附）十二世祖母趙氏傳……………文福……………一〇

姚 仁

姚德先先生行狀……………朱鳳洲……………一一

姚 大 業

見 貽 雜 錄 目次

表兄澹亭姚君傳……………馮金伯一二
 (附)十三世祖母唐氏傳……………文福…一三

姚伯驥

松江府志……………一四
 光緒南匯縣志……………一四
 州司馬泰菴公傳……………張祥河…一四
 懷舊雜記一則……………張文虎…一八
 泰菴年丈像贊……………梅 春…一九
 小家語一則……………黃本銓…一九
 五經劉記序二篇……………梅春瑞…一九
 五經劉記跋……………李林松…二〇
 墨香居詩鈔一首……………馮金伯…二〇
 芳藹齋詩鈔二篇……………丁許泰…二〇
 秋水村莊詩鈔一首……………張大經…二一

姚廷本

附廷熙 廷槐

光緒南匯縣志……………二一
 (附)培齋叔傳……………煒琛…二一
 周浦紀略後編一則……………其鈞…二二

姚煒琛

二

光緒南匯縣志……………二二
 守潛夫子傳……………張光熙…二二
 懷舊雜記一則……………張文虎…二四
 洪景堂詩集跋……………周 南…二四
 讀李跋……………顧鼎元…二五
 南匯縣竹枝詞二首……………倪繩中…二五
 薌黃詩鈔二首……………閻邱德堅…二六
 閒吟編一首……………火文煥…二六
 延綠樓詩稿一首……………王延銓…二六

姚煒琥

光緒南匯縣志……………二七
 表兄惺齋君傳……………火文煥…二七
 惺齋姚師家傳……………張文虎…二八
 吳興試藝弁言……………朱南枝…三〇
 題桂林採芝圖……………張紹梁…三一
 閒吟編一首……………火文煥…三一

姚煒球

光緒南匯縣志……………三一
 表兄東渠姚君傳……………火文煥…三一
 懷舊雜記一則……………張文虎…三二
 閒吟編一首……………火文煥…三三

姚煒楷

光緒南匯縣志……………三三
(附)魯芹弟傳……………三四
未濟圖遺像贊……………三四
張文虎……………三四
懷舊雜記一則……………三五
張文虎……………三五

姚其鈞

祝石逸仁弟五十壽序張文虎三五
五旬初度徵詩啓朱作霖三六
周浦紀略序……………張文虎三九
題頑石圖于爾大張文虎四〇

姚有元

舅氏姚小蔭先生傳于鬯四〇
題草廬抱膝圖……………于爾大四三
題菊花詩後……………黃鐸四三
濟陽詩鈔二絕……………丁秀甲四三
五十唱和詩……………于鬯戎文學

楊元俊 王珠樹 張尙純

羅高祖 賈覆上……………四四

祝小蔭世講六旬大誕王景熙四八

姚朱氏

見貽雜錄 目次

吳興朱良傳……………朱世杰四九

挽吳興仲姊……………秦錫圭五〇

哭潤良姊……………秦錫祺五〇

挽吳興姑母……………朱寶田五〇

姚文福

家庭教育編序……………倪繩中五〇

家庭教育編跋……………朱世杰五一

姚田生先生挽詞鈔存朱惟恭五二

姚文榮

姚君欣木小傳……………朱惟恭五四

欣木表姪象贊……………李味青五五

題吟月養疴圖……………于鬯

周承燕 唐頤壽 吳克嶷

朱世杰 李味青……………五五

姚文富

處士姚嶽生先生傳……………楊雪門五七

(附)先兄祖舜小傳……………永年五八

姚楚英

楚英詩存序 朱惟恭 黃少牧五九

見貽雜錄 目次

四

楚英詩存弁言……高二適……六一
楚英詩存題詞卅五家……六二

張念祖 熊公福 劉 誠

沈瘦若 徐緒通 鈕敦仁

王化南 廣萬選 鄧 潛

楊雪溪 王 軫 袁 潛

陳永釗 孫同德 童樹民

姚 嶽 胡介昌 周志銳

胡善仕 胡墨儒 彭 森

楊雪門 錢連瑜 劉匯清

何 俠 杜維城 李望嘯

林 拔 李造舟 竇勤德

董仲瑜 施淑儀 李鑄珠

劉舜英 李秀娟

姚永年

周浦姚氏叢刊徵文啓朱惟恭七〇
姚氏名字彙編弁言……朱惟恭七〇
贈養怡姻台……李味青七一
太忙詩鈔四篇……朱惟恭七一

讀周浦姚氏叢刊寄感二

絕……丁正藩……七二

步韻贈養怡先生……儲學洙……七二

【補白】

南蔭堂姚氏命名世次吳昌宗七二

附錄

吳興貞節錄……一

姚湯氏 姚張氏 姚王氏

朱姚氏 姚楊氏 姚丁氏

姚朱氏 姚張氏 姚羅氏

汪烈女

【補白】

南蔭堂匾額跋……王 棟……一

跋

永年……一

補遺

和姚欣木君悼亡詩……朱惟公……一

見貽雜錄

澧溪姚永年養怡氏輯

〔姚 墳〕

姚墳字以和。周浦人。成化正德間。建積慶永興二橋。又濬義井。時鎮爲荒僻地。墳廣建廩舍。招集商賈。漸成大鎮。（光緒南匯縣志）

周浦鎮。街有內外棋盤之稱。蓋皆十字形也。而居中者。爲姚氏南蔭堂。俗稱姚家廳。據譜姚世籍河南。宋南渡時。遷至松江。再遷至今南匯地。逮明成化間。已三世矣。有承事公姚墳者。慷慨好善。始於其處建積慶橋。至今便之。呼爲姚家老石橋。嘗往來鎮南。遙見母雞率雛。啄食荒塚間。近之忽不見。知其異。因建此堂。旁築廩舍。招集商賈。遂成市肆。爲南邑首鎮。姚氏聚族而居。子姓繁盛。道光初稍衰。咸豐辛酉。遭粵寇之亂。堂遂燬。而姚族亦多離散矣。南蔭堂額。爲文待詔書。今亦燬。（張文虎懷舊雜記）

明弘治初有姚墳者。嘗往來鎮南。遙見母雞率雛啄食塚間。近則無覩。曰。是殆蕃育地乎。卽於其所。創建廩肆橋梁。招集商賈。遂以成聚。（方思信周浦紀略詩不可稽之註釋）

【附】太常寺卿墳。一日自家抵滬。遙見雞。近則無覩。俗語云。先有姚家廳。後有周浦鎮。後馮氏亦置市廩於西。故又有姚起頭。馮看樣之說。（姚其鈞周浦紀略後編）

三世祖節菴公傳

附南樓公

之照

公諱塤。字以和。號節菴。先世河南人。自仲達公遷居浦東。至公三世始起家農畝。連阡陌。廣蓄積。稱饒益焉。性慷慨。好施與。樂行善事。明成化二十年。建積慶環橋於所居之西。正德三年。又建永興環橋於周浦。俱跨鹹塘。詳載邑志。宏治七年。重建永定金剛殿。及僧房繚垣。至今碑銘尙存。又建義井亭於永興橋下。有石銘。時周浦爲荒僻地。公自家抵上海邑城。遙見母雞率羣雛啄食墟墓間。至則無覩。公恍然曰。是庶幾可以蕃育我子孫者乎。卽於其地鳩工庀材。創房宇。置廩舍。招集商賈。遂成巨鎮。建堂名南蔭。迄今垂三百年。經倭奴兵燹。又隣舍不戒於火。左右前後屢遭焚燬。而子孫之托處於斯堂者。安然無恙。中奉歷代木主。春祠於斯。秋嘗於斯。展孝敬。講敦睦。里黨仰儀型焉。非公貽謀之臧。曷克至此。官承事郎。子二人。長諱山。字宗泰。號南樓。邑庠生。慕義樂善。凡節菴公之行事皆佐成之。見趙丞寺先生碑記。

附三世祖妣郁氏傳

文福

太夫人郁氏。明太常寺卿諱塤之元配也。塤字以和。號節菴。時周浦爲荒僻地。公創置廩舍。招集商賈。遂成巨鎮。公樂行善事。太夫人每贊成之。成化二十年。建積慶橋。在鎮之南俗名姚家老石橋。正德三年。建永興橋。在鎮中市俗名老石橋。又建尊聖閣。及義于井。永興橋下鳩工庀材。太夫人亦代任之。至今行路之人。皆感其德。族中之

難以自給者。濟以錢米。無力營藝者。助以磚灰。太夫人未嘗自矜其德色也。平居仰事俯育。擔擲家務。巨細必周。每晚必持鐙視門戶而後寢。勞心擘畫。至老不衰。太夫人嘗言一身所憾。惟不嫻文藝耳。生二子。山。崙。故加意勉勵焉。山。邑庠生。崙。太學生。皆有聲于時。

【姚 璟】

姚璟字青邱。善鐵筆。王慶生作篆籀篇以贈。有印譜。（姚其鈞周浦紀略後編）

篆籀篇贈姚青邱

南匯王慶生雲子

鬼因一晝哭不休。混沌已死人心浮。虎繡龍雕競奇祕。蟲書鳥迹飛銀鉤。秦漢璽籀多紛錯。近代石鼓不可求。崔許庶接中郎派。直入元奧姚青邱。青邱古樸不偶世。生平恥作繞指柔。家徒四壁意氣在。守望日月鬚眉留。大家隱忍螻蟻側。推壁槌胸莫杞憂。有時我作登封頌。泰山頂石煩君鏤。（春及堂詩集選入海曲詩鈔）

【姚 眉附江】

姚眉字介眉。填裔孫。精瘍醫。子江夜侍讀書。見檢家人契。問故。曰。某僕有家。汝叔欲貸耳。江曰。叔故貧。即貸得錢。亦不敷半世活。何苦爲此。眉瞠目曰。孺子能作是語耶。盡焚其券。江亦善瘍醫。（光緒南匯縣志）

祠堂圖記

南匯葉柱起潛

吾友源一姚子。純孝士也。其尊人介眉先生。業善岐黃。隱居自好。嘗欲建造家

祠。奉先世祖考之主於其堂。逢佳期令節。及月之朔望。則聚族之昆弟子姪。拈香瞻拜。上以敬其祖宗。卽下以敦其族誼。是其生平所念茲在茲。惓惓不忘者。而惜乎有志未逮也。長君源一。繼體象賢。欲構數椽。以成父志。勞心焦思。力不能舉。常與余言。以爲憾事。因倩畫工圖其迹。列四代之主於堂廡之上。并繪其考妣之像於帷幕之旁。四時設祭。則出什襲而懸於堂。率其子若孫。仰瞻棲桷。俯矚几筵。涕泣而道其先人之志。殫心竭力。必圖一日之成。而後卽安。吁嗟姚子。苟非純孝士。安能肫肫懇摯。記憶不忘如是也。詩曰。夙興夜寐。無忝爾所生。又曰。明發不寐。有懷二人。記有之。孝子之事親也。先意承志。其源一之謂歟。雖今日者經營拮据。尙須異時。然存此念而勿衰。所謂有志事竟成。古人豈欺我哉。圖成揖予爲記。予嘉其志之善。而決其他日之必有成也。遂欣然而書於其端。乾隆十年歲次乙丑長至。葉柱拜書。

附 曾祖考介眉公傳

之 照

公諱眉。字介眉。始遷祖仲達公十一世家孫。長房祖淡若公之元孫也。祖豫凡公。嗣父景韓公。本生父景文公。景韓公早卒。景文公以好學篤志。不問生產。業遂中替。公少倜儻。年舞勺。卽行賈。挾貲少而置貨善。獲倍利焉。祖業醫。景文公後亦隱于醫。及疾病。公侍湯藥。有延醫者。公卽造焉。治之輒愈。歸述於父。父喜曰。汝不習醫而善於醫。乃若是乎。公曰。醫者意也。吾姑以意治之耳。後遂大行。

延請饒遺者趾相接。有患背疽者。不專意向公。公與他醫分治之。公所治者輒先愈。他醫驚遁去。以豫凡公醫業傳自外氏徐。塋其兩世。並立外高曾木主奉祀焉。持身甚節約。遇親族貧乏。解囊賙卹。無少吝與。族叔拱宸公。倡建育嬰堂。以收恤棄嬰。遺訓子若孫。均克繼之。先世故饒裕。多僕役。及中替。悉散遣。有出而擁厚貲者。一夕篝燈閱文券。之照本生祖源一公侍側問之。公曰。此家人身契。某僕起家。汝叔貧。欲往借貸之耳。曰。叔故貧。卽借貸得錢。亦不數半世活。何苦爲此耶。公瞠目曰。孺子能作是語。吾反不若。遂舉數十紙悉焚之。叔祖芳芝公。少雙瞽。長娶於郡城潘氏。亦雙瞽。潘早卒。卽厝母氏。芳芝公享年八十餘。歿後。公棺殮畢。求潘孺人之棺合塋焉。而潘氏已乏絕。無有知者。公齋戒晨起。持香遶潘墓。一步一拜。忽一老嫗至曰。汝求某姑厝耶。在某處有一小娃棺並厝焉。言畢嫗不見。啓視某處。厝果然。其至誠感神有如此。

附本生祖源一公傳

之照

公諱江。字源一。介眉公長子也。少聰穎。舞勺時。將赴江陰童子試。忽咯血。違嗣祖母命。棄儒業醫。與趙公秀字文楚爲姑舅兄弟。最相得。趙公客京。祖爲本生祖。援儒士例。並招入都。應試公終不住。會侍父讀書。勸父火家人身契數十紙。其仁厚之心。已早見於卽角時矣。其仁於宗族也。從兄弟之乏絕。無不廩贍焉。五服內之死喪。皆爲棺葬焉。其仁於姻黨也。母之兄弟。妻之父母。咸卜其宅兆。外兄弟內兄弟。皆周其匱乏焉。以術行仁。有召者

主質庫。日招客弈。甚飲酒。甫二年餘。已耗其貲之二焉。辭歸後。計無復之。乃走京師。游王麓臺。龔芝麓諸先生門。所與弈。皆名公卿。聲譽大噪。麓臺作旌弈圖以贈。大人先生題跋幾遍。嘗侍親王弈。忽聖祖駕至。惶遽俯伏。聖祖顧問。親王以實對。聖祖曰。是稱山人可也。由是都下傳姚山人弈云。著有弈譜傳世。

【姚 紳附汝謨】

姚紳字拱宸。填裔孫。家貧。廢書爲買。事親孝。日或不得錢。必貸少許歸。白父曰。此兒經營所得也。請父所欲。或招致親友。與父談讌。數十年無倦色。生四子。胡汝謨字禹瞻。孝順有父風。友愛兄弟。爲族黨師法。有曝曬吟十卷。已佚。三子亦以孝稱。匯縣志。

姚紳字拱宸。家貧。爲木棉紗主人。晨或無所得。必貸少許錢。以供父欲。數十年無倦色。一歲夏旱。禱雨。市上斷屠。而父不知。命進肉。紳卽馳往沈莊。距周浦四里許。買熟肉歸獻。父怪其遲。紳支吾以對。終不言其故。其子四人。汝謨、汝諤、汝諧、汝諫。亦皆盡孝。方思信周浦紀略詩「古彥試追維養志錢權貸」之註釋。

附 高叔祖拱宸公傳

之照

憶乾隆己卯元旦。之照從本生祖源一公。至亦政堂。拜先世遺像。中有一人。恂恂閭閻。欣悅之神。奕奕紙上。之照指而問曰。何其和可。欽乃爾祖。曰。是爲拱宸公。吾宗之孝子也。公諱紳。三房祖澄若公之曾孫。而斐之公之次子也。兄縉。承

伯孟遷嗣。弟綏力亦綿薄。公仰事父母。備甘旨。盡愛敬。不推諉。兄若弟焉。居貧無餘財。逐什一爲養贍計。旦出得錢。歸以獻父母。曰。是兒今日所得也。問所欲而供之。不少吝。倘得錢稍贏。父又欲招親故。合族黨會飲。亦遵命具饌。備極燕衍。或風雨無所得。亦重息假貸。以博父母歡。數十年無倦色。公之純孝。蓋如此。而天之報公也亦甚厚。公有四子。長汝諤。字允恭。次汝謨。字禹瞻。次卽曾叔祖。字致俞。名汝諧。次字司直。名汝諫。斐之公歿。四子皆成立。經營幹練。家漸饒裕。各置田宅。公夫婦按月就養。子媳咸盡孝敬。孫枝蔚秀。濟濟承歡。享繁祉。登大耋焉。夫人子患不孝。不患不食報。大德獲福。自古而然。汝其勉之。之照敬志之。弗敢忘。今乙卯春。修葺家乘。追維祖訓。言猶在耳。謹備錄之。以爲公傳。

附曾叔祖禹瞻公傳

之照

公諱汝謨。拱宸公次子也。拱宸公事親以孝聞。公尤能承順父母。友愛兄弟。族黨咸師法焉。好爲詩。所著皞皞吟。至十餘卷。之照於甲寅夏。始得見之。以未登入邑志爲恨。尤酷嗜弈。與葉丈惺菴對局。持一子。久不下。惺菴曰。何多思爲也。審諦之。氣不屬矣。長子行簡。字南臨。府庠生。有文行。次子行素。字守中。亦能詩。

【附】紳字拱宸。家貧樂善。廢書爲買。道光十八年十月二十六日。奉旨旌表。

【附】汝諤字允恭。善醫。普行浙江。海防同知孔繼祖。贈仁術壽民額。

【附】汝謨字禹瞻。號納夫。能順父母。友愛兄弟。好爲詩。著有皞皞吟十餘卷。蠡

侍讀成天。謂其才清而腴。神旺而潛。聖祖南巡。會將詩稿投獻。晚號鶴村老人。子行簡。字南臨。庠生。有文名。行素字守中。亦能詩。（姚其鈞周浦紀略後編）

【姚趙氏】

姚河妻趙氏。周浦人。年二十二寡。饘粥不給。撫嗣德先苦守。壽七十。姚號天一。舊志以號爲名。茲據探冊正。學憲白鎔給予茹藥培基四字匾額。以示獎勵。

（光緒南匯縣志）

節孝吳興趙安人傳

嘉興陸尊五夢楸

姚文學配節孝趙氏。既卒之六十九年。曾孫守潛明經。持其尊人泰葬司馬述德篇來。乞立傳以垂志乘。考南邑胡志列女傳。節婦之事尙略。自道光辛卯。學使者白小山先生。採訪旌門。鄉人士始詳知節婦之賢。按節婦爲趙思廉女。年二十二。歸姚河爲室。越二年。河歿。無子。節婦以翁在堂。忍死撫夫兄江次子仁爲嗣。先是江配馮。生仁匝歲而病篤。節婦之撫仁也。又承長姒之囑。一如所生。時在雍正六年。戊申冬十有二月。越庚戌。節婦遭翁喪。壬子癸丑水旱爲災。節婦拮据喪塋。支持儉歲。幾於心力兩疲。更足異者。周浦向無育嬰堂。創建自節婦之翁姚眉始。眉歿。長子江承父志而艱于力。節婦典質爲之助。迨江歿。節婦命子仁。孫伯驥。維持數十年。以上承翁志。迄今堂規井井。雖暫廢弛。而一朝可整。堂之嬰孩。方食節婦之德於無窮。使地方婦女。聞風興起。相夫子以孝翁姑。

非特家政之有成。且出餘力以行善。鄉里于以敦風俗。召和甘。闔境賴之。抑亦守土者之幸也。節婦孫二人。長伯驥。登嘉慶丁卯賢書。就職州司馬。曾孫六人。守潛明經居長。篤於學。元孫四人。石一文已成章。兼工八法。來孫有元有毅。俱天才國瑞。足以見節婦之遺澤甚遠。尊五下車伊始。將採訪周浦義行。以補縣志所未備。今於節婦有取焉。因樂爲傳之。時道光壬寅暮春。三林莊巡檢。嘉興陸尊五頓首拜撰。

附十二世祖母趙氏傳

文福

十二世祖母趙氏。思廉公女也。祖諱河。字天一。績學早世。祖母方二十四歲。撫立兄子仁爲嗣。年甫周齡。卽僱乳母。念其生母之倏亡也。仰事衰翁。俯養弱息。俾至成人。十一世祖眉公。于雍正七年。創建育嬰堂。收卹棄嬰。經費困難。祖母不惜典質爲之助。至今嬰孩方食祖母之德於無窮。故長孫伯驥。丁卯科南闈告捷。祖母猶及見之也。守節四十七年。壽七十而終。邑紳張兆熙等呈請旌粟云。已故儒童姚河妻趙氏。節並松筠。心盟金石。薦蘿方施。思齊鴻案之眉。琴瑟忽捐。永灑牛衣之涕。攜周齡之猶子。僱乳婆而鞠育成人。奉六秩之衰翁。兼子職而滄漣盡養。狐邱是築。翁夫庇松柏之蔭。熊膽爲丸。孫子衍詩書之澤。典質哺呱呱之黃口。從吾幼以推恩。歲時脩肅肅之青詞。妥先靈而盡孝。洵里黨之交推。尤品題之足式。學院白。給茹藥培基匾。崇祀節孝祠。詳郡邑志。高伯祖泰